



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 888. Usque Ad Annum 1000

Fleury, Claude

August. Vind. [u.a.], 1761

VD18 90117921

§. 22. Luitprandus in reditu.

[urn:nbn:de:hbz:466:1-66313](https://nbn-resolving.org/urn:nbn:de:hbz:466:1-66313)

Sæculum X.
A. C. 968.

§. XXII.

Luitprandus in Reditu.

Luitprandus ea referens, quæ sibi in reditu acciderunt, conqueritur, iter facienti parum auxilii in Episcopis Græcis fuisse. *In tota Græcia non reperis, inquit, hospitales Episcopos. Plerique Eunuchi sunt, divites aureis, quos in arca custodiunt, pauperes parco victu, cui adsueverunt. Soli assident mensulæ nudæ. Pane nautico & paucis lactucis vesciuntur, ex vasis vitreis permodicis calidam aquam sorbillantes. Ipsi vendunt, ipsi emunt, ostia ipsi aperiunt, ipsi claudunt, ipsi sui Dapiferi, & agasones. Hosque ideo puto ita vivere, quod Ecclesiæ ipsorum sint tributariæ; nam Leucatenfis Episcopus jurejurando mihi affirmavit, Ecclesiam suam quotannis Nicephoro aureos centum, & pariter Ecclesias ceteras plus minusve pro vivibus suis persolvere.*

Ceterum, Luitprandus, qui hac Legatione functus est, ante susceptum Episcopatum Ecclesiæ Ticinensis Diaconus fuit; id enim ipse de se testatur in Historia, quam a Raymundo Episcopo Illiberitano in Hispania rogatus scripsit. Illa vero narrat, quæ sua ætate & ipso spectante præsertim in Italia evenerunt, & incipiens ab expugnatione Fraxineti, quod

quod Saraceni anno octingentesimo nonagesimo primo in suam potestatem redegerant, gesta omnia usque ad Concilium Romanum, in quo Joannes Papa XII. anno nongentesimo sexagesimo tertio depositus, prosequitur. Stilus & scribendi ratio plus ingenii & eruditionis, quam maturi judicii produnt. Se linguæ Græcæ gnarum fuisse pueriliter ostentat. Prosa scribens, non nunquam ipsius contextus verba in carmen concinnat. Ubique immodicus alios cavillatur, aliis favet & assentatur. Sæpe non facetus modo est, sed etiam postposito pudore scurra, ut cum querelas mulieris Græcæ adversus Theobaldum Marchionem Spoletanum, & Willam Bosonis uxorem captam refert. Modestius plane Diaconum Historiam texentem Episcopo dedicatam scribere oportuisset. In Libello de Legatione sua eodem utitur Stilo; atque de duobus solum hisce Scriptis satis constat, quod ex Luitprandi calamo fluxerint.

§. XXIII.

Nicephorus in bello felix.

Nicephorus Imperator post Luitprandi Legationem non plus mensibus circiter octodecim superstes fuit, qui Disciplina militari exercitatus Musulmannorum vires jam ipse militans, jam missis

G g 5 in

Sæculum X.
A. C. 968.*Sup. l. IV.*

§. 16.

n. 7.

Lib. IV. hist.

c. 4. & 5.

*Post. Theo.*p. 30. *Cedd.*

p. 643.